

畫  
詩  
選  
書



卷之三

卷之三

卷之三

卷之三



貞一齋詞目錄

水龍吟

燭影搖紅

平秋歲



貞一齋詞

臨川 朱思本 本初

水龍吟送閔道錄醮玉隆竣事歸東湖

幾年南北聲名有純孝子騫苗裔逃儒自愛翛閒天賦  
神仙標致歸隱東湖醉游南浦滿襟清氣想當時宦海  
風波浩蕩從前錯如今是追念父師恩重恨年華暗  
隨流水錦帷夜醮黃壇春靜綠章封事香霧空濛步虛  
嘹亮孝通天地玉皇優詔答功勤壽甲子三千歲

千秋歲壽程竹逸六十

虎溪清旭瑞氣生華屋無量壽如川福簪纓門闕好詩  
禮家聲肅眞樂處庭階侃侃森蘭玉問訊溪邊竹色

與靈椿綠多積善禎祥熟皇天私有許甲子從新讀千  
二百空同不待仙人祝

燭影搖紅

壽鄭梅庵

春到梅邊瑞光浮動香山裏雲端微見老人星嘹亮歡  
聲起灑灑尊浮綠蟾對紅妝高歌盡醉彩衣錯落玉樹  
瓊瑤人生難比 谷口家聲戶庭藹藹傳詩禮天教餘  
慶屬伊人爭看南山梓那羨東風桃李向蟾宮早攀仙  
桂恁時須記老子婆娑一杯千歲

貞居詞目錄

摸魚兒

二

風入松

朝中措

蘇武慢

賀新郎

水蘭花慢

五

瑤花慢

百字令

二

宴山亭

八聲甘州

燭影搖紅

石州慢

水調歌頭

三

滿庭芳

鳳凰臺上憶吹簫

滿江紅

雪獅兒

望梅花

踏莎行

三

南鄉子

蝶戀花

三

浪淘沙

茅山逢故人

殿前歡

早春怨

如夢令

漁父詞

二

太常引

定風波

憶秦娥

水龍吟

梧葉兒

鷓鴣天

喜春來

補遺

東風第一枝

柳梢青

貞居詞

句曲 張天雨 伯雨

摸魚兒 雙蓮一榦爲人折去仲舉邀予賦之

問凌波竝頭私語夜涼誰共料理柔情早被鶯鶯妒怕  
擊水晶如意香旖旎待微雨清塵略爲新妝洗騷辭漫  
擬搴水末芙蓉同心輕絕未說已先醉空折損又墮  
偷香夢裏藕絲不斷新脆吳娃小艇無蹤迹也怪半池  
萍碎還略記是月冷鷗眠鷺宿曾驚起高荷恨倚總回  
首西風露盤輕瀉清淚似鉛水

又和王平軒

看棋枰一番換局山中知幾朝暮舊時王謝堂前燕都

付後人懷古胡琴語索燕寢凝香此日天應許甘回味  
苦笑老子癡頑胸中色線終爲袞衣補投簪去正有  
小山叢桂歸來依舊爲主春江膾釀番江滌門外儘多  
來屢高陽侶慣踏醉狂歌驚起星河鶯花枝爭舞語蘭  
玉階前穠纖依約猶染斷縫素

風入松壽吳大宗師

羽衣能補舜衣裳閒看雲忙宣文奎畫龍珠護口家山  
輝映琳琅天上重逢初度仙韶錫宴非常滿朝人道  
魯靈光合佩金章丹牙修出纖纖月看年年玉斧吳剛  
不枉盤根壽櫟要扶宗社靈長

朝中措早春書易亥九曲新居壁

草堂移住古城隈  
堂後水平階  
要結柴桑鄰里不須鷗  
驚驚猜  
行廚竹裏園  
官菜把野老  
山杯說與定巢新  
燕杏花開了重來

蘇武慢

至正八年夏和虞道園

清露晨流新桐初引消受北窗涼  
曉經卷熏鑪筆牀茶  
具長物任他圍繞老子無情年光有限只似水人花鳥  
指凝雲數朵奇峰曾見漢唐池沼  
還自笑待老學蟬  
魚金題玉躞書裏也容身了阿對泉頭布衣無恙占斷雨苔風篠獨鶴歸來西山缺處掠過亂鴉林表舞琴心  
三疊胎仙坐到月高山小

賀新郎

戲次仲舉韻

金屋書中有爲錢塘佳麗待尋歡偶記得朝雲前日夢  
伏事東坡最久且不是郡無官守日日湖中公事了更  
成圍妓女隨車後翁兩鬢禿如帚老來莫負簪花手  
比佳人難得靈芝三秀此夕燈花何太喜便用買紅纏  
酒催看箇肩輿迎取有子平生千萬足看明年墮地於  
菟走挂冠去學疏受

木蘭花慢己未十月十七日壽溪月眞人

試瑤臺借雪春意早滿林巒笑東老殷勤能傾家釀與  
盡清歡曾因求賢把詔便朗吟溢浦又廬山自愛西湖  
煙雨玉鞭分付青鸞神仙官府宵容閒樞要在玄關  
有溪上金鼈月中金粟長駐嬰顏願似洪崖橘術儘千

年游戲向人閒早晚鳳池書到通明殿上催班

又和馬昂夫

想桐君山水正睡雨聽淋浪記短棹曾經煙邨晚渡石  
磴飛梁無端故人書尺便夢中顛倒我衣裳此去釣臺  
多少小山叢桂秋香青蒼秀色未渠央臺榭半消亡  
擬招隱羊裘尋盟鷗社投老漁鄉何時扁舟到手有一  
襟風月待平章輸與浮丘仙伯九皋聲外滄茫

又秋詞

看秋容漸好一番雨一番涼試點檢吾家小山叢桂金  
栗都黃濤江限他吳越便胥魂不似向時狂眼底龍飛  
鳳舞夢中狐嘯鴟張茫茫今古總堪傷歌罷意難忘

甚老矣嵇生五絃揮手怕聽清商淵明平生師友白衣人借與我持觴若問醉翁年紀指渠松柏高岡

又和黃一峰聞箏

盡彈箏仕女會銀甲驟冰絃看蟬影噭噭鶯聲歷歷鴻  
陣翩翩哀音暮年多感柰對花對酒更聞鶻卻恐乘雲  
飛去纏頭嫋住非煙烏絲綴譜倩陳玄雅調爲誰傳  
嗟江上峰青湘皋木落與拔飛仙正須絲竹陶寫儘勝  
渠槐拍事枯禪莫負金尊皓月難留錦瑟華年

又龜溪寄張小山

問出山小草誰與伴五湖游便憶昔風光桃花流水杜  
若芳洲來時洞門無鎖倩鶴羣長繞侍仙樓邂逅小山

招隱依然我輩清流 春愁相戀住餘不寒擁敝貂裘  
奈雨柳煙花雲帆溪鳥都在簾鉤眼前自無俗物動山  
心嫌聽鹿呦呦猛把石闌干拍賈胡知爲誰留

瑤花慢賦雪次仇山邨韻

篩冰爲霧屑玉成塵借阿娘風力千巖競秀怎一夜換  
作連城之璧先生閉戶怪短日寒催駒隙想平沙鴻爪  
成行口似醉時書迹未隨埋沒雙尖便淡掃蛾眉與  
鬪顏色裁詩白戰驢背上馱取灞橋吟客燃鬚自笑儘  
未讓諸峰頭白看洗出宮柳梢頭已借淡黃塗額

百字令壽玄覽真人次黃一峰韻

橙黃橘綠占一年好景人閒真樂玉塵金醞相對峙如

我視今猶昨珍重留侯招邀黃石俱赴蟠桃約一卮仙  
酒得陪三老斟酌酌總道獨綰銀章重披宮錦有自家  
天爵八袞明年身更健胸次遙天恢廓春小花繁溪清  
月皎都付延年藥洞霄仙侶更添一箇仙鶴

又四月四日爲王國輔生日作

紅蓮一舸向游仙夢裏步虛金闕朝罷香煙攜滿袖初  
度玳筵重設玉軸琵琶金瓶芍藥都在春風列天然清  
貴樵林自愛晴雪笑說奉母閒居吾非巧宦未信潘  
郎拙戲引鴛鴦香徑底好在雙珠明月錦繡樓臺燕鶯  
簾幙垂柳青絲結金籠放鵠年年飛絮時節

宴山亭賦楊梅

鶴頂朱圓豐肌粟聚寶葉揉藍初洗親翦翠柯遠贈筠籠脈脈紅泉流齒骨換丹砂笑尙帶儒酸風味誰記曾問譜西泠綠陰青子君家幾度尊前摘天上繁星伴

人同醉纖手素盤歷亂殷紅浮沈半壺脂水珍果同時惟醉寫來禽青李爭似爲越女吳姬染指

八聲甘州舟次垂虹寄玄洲許道民

柳洲冰未浣柰春寒仙風引歸槎渺雲岑天末煙江雨外猶認芳華獨酌瓦甌篷底誰與飯胡麻疑聽松風響水宿蒹葭天上春愁鶴髮許一庵閒地壞衲雙髽笑清狂無賴痼疾是煙霞念葛洪移居辛苦甚左郎容易問丹砂憑傳語空山流水深護桃花